

Na osnovu članova 10,11 i 12. Zakona o udruženjima i fondacijama Bosne i Hercegovine („Službeni list F BiH“ br. 45/02),te čl. 19 Statuta, redovna skupština Lovnog kinološkog saveza u F BiH (u daljem tekstu Savez na sjednici održanoj 13.06.2013.godine u Sarajevu, donosi NOVI

S T A T U T LOVNOG KINOLOŠKOG SAVEZA U F BIH

I OPŠTE ODREDBE

Član 1.

Ovim statutom uređuje uskladu sa članom 12. Zakona o udruženjima i fondacijama Federacije Bosne i Hercegovine uređuje se:

- naziv, sjedište i adresa Udruženja;
- ciljevi i djelatnost Saveza;
- postupak za prijem i isključenje članova
- organi Udruženja, način njihovog izbora, uslovi i način opoziva, trajanje mandata, način odlučivanja i odgovornosti;
- postupak za izmjene i dopune Statuta, ovlaštenja i donošenje drugih opštih akata Udruženja;
- javnost rada;
- pravila za sticanja korišćenja i raspolaganja sredstvima Udruženja, kao i organ koji je ovlašten za nadzor nad korištenjem tih sredstava;
- podnošenje izvještaja o finansijskom poslovanju i radu Udruženja;
- opis oblika i sadržaj pečata Udruženja;
- zastupanje Udruženja;
- uslovi i postupak spajanja, razdvajanja, transformacija ili raspuštanje odnosno prestanak rada Udruženja, uključujući bilo kakav poseban kvorum ili pravila kvalifikovane većine i postupak glasanja;
- postupak za raspolaganje preostalim imovinom ili drugim sredstvima, u slučaju raspuštanja ili prestanka rada Udruženja;
- Ostala pitanja u vezi sa radom i djelovanjem Udruženja u skladu sa Zakonom i ovim Statutom.

Član 2.

SAVEZ je neprofitabilna, nevladina, nezavisna, dobrovoljna i vanstranačka organizacija osnovana radi unapređenja i ostvarivanja zajedničkih interesa Saveza lovačkih organizacija u BiH odnosno lovačkih organizacija članica, u cilju provođenja lovačke kinološke aktivnosti, u skladu sa Zakonom, a čija svrha nije sticanje dobiti.

Član 3.

Savez ima svojstvo pravnog lica nakon upisa u registar kod nadležnog ministarstva u skladu sa Zakonom.

Član 4.

Savez djeluje na razvoj lovne kinologije području Federacije u skladu Zakona, morala, kinološke nauke, lovnokinološke etike i osnivačkih akata.

II NAZIV I SJEDIŠTE

Član 5.

Naziv Saveza : **LOVNI KINOLOŠKI SAVEZ U F BIH**

Član 6.

Sjedište Udruženja je u Sarajevu, ulica Petrakijina br. 24.

Član 7.

Savez djeluje na teritoriji Federacije BiH i šire te može otvarati svoje urede i izvan svog sjedišta, a koji nemaju svojstvo pravnog lica.

III PROGRAMSKI CILJEVI I ZADACI

Član 8.

Ciljevi Udruženja

Savez ima za cilj unapređenje i ostvarivanje zajedničkih interesa Saveza lovačkih organizacija, odnosno lovačkih organizacija članica, u cilju provođenja lovačke kinološke aktivnosti, u skladu sa Zakonom, a čija svrha nije sticanje dobiti.

Djelatnosti Saveza:

- Savez organizuje kinološke manifestacije i svojim članicama daje saglasnost za održavanje istih;
- koordinira djelovanje među članicama Saveza;
- vodi evidenciju o svim ocjenjenim čistokrvnim lovačkim psima sa ocjenom eksterijera;
- vodi evidenciju o položenim ispitima urođenih osobina i ispitom o radu propisanim za svaku lovnu pasminu pojedinačno;
- vodi evidenciju o položenom ispitu slijeđenja krvnog traga;
- izdaje odgovarajuću dokumentaciju uz certifikat za potrebe udruženja na način predviđen Zakonom;
- izdaje rodovnik za sve registrirane pse;
- vodi rodovnu knjigu;
- utvrđuje i donosi pravilnik o stručnom radu Saveza, sa listom aktivnih kinoloških sudaca koji organizuju kinološke manifestacije, educiranje i osposobljavanje kinoloških sudaca pripravnika kao i edukacije kinoloških referenata;
- razmjena iskustava i informacija sa drugim srodnim udruženjima;
- predlaže donošenje propisa koji se odnose na lovno-kinološku djelatnost, te preko članica koordinira i usklađuje prijedloge za donošenje propisa iz oblasti kinologije
- sarađuje sa nadležnim organima, službama i tijelima radi unapređenja upotrebe lovačkih pasa (kerova) u skladu potreba;
- daje stručne smjernice za razvoj lovne kinologije i stara se o njihovoj primjeni;
- brine o unapređenju lovno kinološke kulture, morala i etike;
- radi na unapređenju domaćih lovnih pasmina pasa (kerova);
- vodi posebnu brigu o uzgajivačima rasnih lovnih pasa kao osnovnim nosiocima razvoja lovne kinologije;
- izdaje lovno-kinološki časopis, pravilnike i drugo za potrebe članica Saveza;
- ustanovljava i dodjeljuje priznanja Saveza za rad na unapređenju lovne kinologije
- stimuliše rad kinoloških organizacija u svojim članicama i brine o razvoju lovne kinologije u F BiH
- obavlja i druge zadatke od interesa za unapređenje lovne kinologije a koji su utvrđeni ovim Statutom
- vodi registar uzgajivačnica pasa
- Savez svojim članicama daje stručno mišljenje o ispunjavanju uslova za održavanje ispita urođenih osobina u gateru.

Član 9.

Savez ostvaruje svoje zadatke u skladu s planom i programom rada. Plan i program može biti godišnji ili za duži vremenski period a istovremeno su i osnov za izradu i donošenje finansijskih planova.

Član 10.

Savez su osnovali lovačke organizacije i Savez lovačkih organizacija u BiH radi zadovoljenja potreba lovstva i lovne kinologije.

Za realizaciju svojih planskih zadataka Savez može zaključivati ugovore, sporazume s organizacijama i organima, udruženjima, klubovima i fizičkim licima zainteresovanim za unapređenje lovne kinologije.

IV ČLANSTVO U SAVEZU, PRAVA I OBAVEZE

Član 11.

Članstvo u Savezu je dobrovoljno.

Član Saveza može po pravilu biti svako pravno i fizičko, domaće i strano lice koje prihvata ciljeve i Statut Saveza potpisivanjem pristupnice.

Članovi Saveza su lovačka udruženja članice Saveza lovačkih organizacija u BiH, koja obavljaju djelatnost u oblasti lovstva i uzgoja i zaštite divljači, koja su registrovana kod nadležnih organa u BiH, a koja prihvate Statut i ciljeve Saveza.

Pravo na članstvo u Savezu se stiče kada Upravni odbor Saveza utvrdi da su ispunjeni uslovi utvrđeni ovim Statutom.

Članom Saveza se postaje potpisivanjem pristupnice, uz prethodnu provjeru i saglasnost Upravnog odbora. Savez je u obavezi svakoj novoj članici dostaviti jedan primjerak Statuta Saveza u roku od 30 dana od dana održavanja Skupštine Saveza na kojoj je potvrđena odluka o prijemu.

Član 12.

PRAVA ČLANICE:

- da biraju i budu birani u organe Saveza
- da pokreće pitanja važna za izvršavanje zadataka Saveza
- sudjeluje u raspravljanju i donošenju odluka putem svojih delegata (predstavnika)
- samostalno odlučuje o pristupanju u Savez i istupanju iz istog
- organima Saveza podnosi prijedloge za odlučivanje o pojedinim pitanjima iz njihovog djelokruga rada s pravom upoznavanja o donešenim rješenjima (odlukama)
- koriste usluge Saveza u skladu Statuta i Pravilnika
- pokreću i predlažu rješavanje problema Saveza
- predlažu zastupnike u organe i tijela Saveza
- sudjeluju u radu i utvrđivanju sredstava za rad Saveza putem svojih predstavnika(delegata)

OBAVEZE ČLANICE:

- da dosljedno sprovodi politiku, odluke, stavove i zaključke Saveza usnjerene na unapređenje lovne kinologije
- utvrđivanje i provođenje oblika i sadržaja rada svoje organizacije na području svog djelovanja, da primaju u članstvo i druge zainteresovane lovne kinologe, lovne kinološke sudije, uzgajivačnice lovnih pasmina lovačkih pasa ako je u interesu lovne kinologije
- zalažu se za provođenje planova i programa Saveza (LKS-a)
- podstiču unapređenje uzgoja domaćih autohtonih pasmina lovačkih pasa(kerova)
- redovno izmirenje finansijskih i drugih obaveza prema Savezu
- da pomažu sve aktivnosti razvijanja lovne kinologije u F BiH
- potpuno i dosljedno provođenje svih propisa koji se odnose na rad kinologije
- provoditi odgajivačku politiku i održavanje kinoloških manifestacija LKS-a
- da dostavlja prijedlog plana kinoloških manifestacija do 31. decembra
- redovno dostavljati izvještaje sa održanih godišnjih skupština članica a najkasnije 15 (petnaest) dana od dana održavanja
- godišnje skupštine članica moraju se održati najkasnije do 01.04. tekuće godine
- članarina za članice plaća se za lovnu godinu najkasnije do 30.04. tekuće godine

Član 13.

Članice Saveza rješavaju sva međusobna pitanja sporazumno. Ako to nije moguće sporazumno, o njemu odlučuje Arbitražni sud Saveza kog imenuje Skupština LKSuFBiH.

Član 14.

Sve članice Saveza su ravnopravne u ostvarivanju svojih prava

Član 15.

Članstvo članica/udruženja, organizacija itd. Prestaje:

- pismenom izjavom o istupanju iz članstva
- zbog nanošenja štete ugledu Saveza
- zbog neizvršenja zadataka i ne uplaćene članarine
- zbog duže neaktivnosti za koju ne postoji opravdan razlog
- zbog teškog kršenja odredaba Statuta Saveza
- gubljenja svojstva pravnog lica
- zbog drugih nesavjesnih, neodgovornih i neodgovarajućih ponašanja
- zbog isključenja iz saveza

Odluku o isključenju donosi Upravni odbor.

Protiv odluke Upravnog odbora o isključenju članica ima pravo žalbe Skupštini Saveza u roku 15 (petnaest) dana od dana prijema odluke

Isključenje iz Saveza povlači za sobom i opoziv eventualnog delegata(zastupnika) u organima saveza iz te članice

V ORGANI SAVEZA

- **SKUPŠTINA**
- **UPRAVNI ODBOR**
- **PREDSJEDNIK**
- **NADZORNI ODBOR**

- ARBITRAŽNI SUD
- SEKRETAR

SKUPŠTINA

Član 16.

Skupština je najviši organ Saveza koju sačinjavaju delegati svih kantonalnih saveza (svjeta) po principu:

- | | |
|--|------------|
| - kantonalni savez (savjet) do 1000 članova (lovaca) | 1 delegat |
| - kantonalni savez (savjet) od 1001 do 2000 članova (lovaca) | 2 delegata |
| - kantonalni savez (savjet) od 2001 do 4000 članova (lovaca) | 3 delegata |
| - kantonalni savez (savjet) preko 4000 članova ((lovaca) | 4 delegata |

Mandat delegata Skupštine traje četiri (4) godine, s mogućnoću reizbora

Delegati u Skupštini mogu biti opozvani i prije isteka mandata od strane predlagača (njegove članice)

Članica svojim delegatima daje punomoć ovjerenu potpisom Predsjednika članice i pečatom.

Član 17.

Skupštinom predsjedava predsjednik Skupštine Saveza, a slučaju njegove spriječenosti njegov zamjenik. Predsjednik Skupštine je odgovoran za pravovremeno sazivanje i organizaciju zasjedanja. U svrhu pravilnog i efikasnog sazivanja i održavanja Predsjednik Skupštine je ovlašten organizirati sastanke sa predsjednicima Upravnog odbora, Nadzornog odbora, Arbitražnog suda, sekretarom i predstavnicima Stručne službe.

Član 18.

Redovna izvještajna Skupština se saziva jedanputa godišnje – do kraja aprila.

Vanredna Skupština se saziva po potrebi na prijedlog predsjednika Saveza, nadpolovične većine članica i na prijedlog Nadzornog odbora.

Izborna Skupština održava se svake četiri godine na kojoj se biraju organi Saveza i vrši njihova verifikacija. Sjednice Skupštine su javne. Javnost rada ogleda se u prisustvu delegata članica, pozvanih gostiju i akreditovanih novinara ili drugih sredstava informisanja.

Radom Skupštine rukovodi **Predsjednik** koji se bira iz reda delegata većinom glasova prisutnih delegata sa mandatom od četiri godine sa mogućnošću reizbora

U slučaju spriječenosti **Predsjednika** sjednicom rukovodi **dopredsjednik** Skupštine.

Skupština radi i odlučuje u skladu Poslovnika o radu Skupštine koji se usvaja na prvoj sjednici Skupštine.

Skupština punovažno odlučuje nadpolovičnom većinom glasova delegata a izjašnjavanje na skupštini je **javno**, osim ako Skupština ne odluči da se o određenom pitanju glasa **tajno**.

Skupština može donijeti odluku o prenosu pojedinih nadležnosti na Upravni odbor za određeno razdoblje.

Član 19.

Nadležnosti Skupštine:

- donosi, mijenja i dopunjuje Statut i ostala akta Saveza
- uvrđuje politiku LKS-a koja se odnosi na ciljeve i zadatke LKS-a sa posebnim osvrtom na razvoj i unapređenje lovne kinologije, te donosi smjernice i određuje zadatke za izvršenje te politike
- donosi plan i program rada LKS-a
- donosi Poslovnik o radu Skupštine
- raspravlja i odlučuje o prijedlozima i preporukama članica i njihovih zastupnika
- donosi odluku o udruživanju u krovnu kinološku organizaciju na nivou BiH kao i udruživanju sa sličnim udruženjima i organizacijama (asocijacijama) u skladu zakona i Pravilnika FCI-a
- donosi odluke o upravljanju imovinom LKS-a
- odlučuje o eventualnim finansijskim zaduženjima LKS-a ili daje ovlaštenje Upravnom odboru do koje granice se može zadužiti između dva zasjedanja
- razmatra i usvaja izvještaje organa LKS-a
- donosi godišnje, srednjoročne i dugoročne planove
- donosi godišnji finansijski plan
- usvaja finansijske godišnje izvještaje o poslovanju LKS-a za proteklu godinu
- bira **predsjednika i dopredsjednika Skupštine, predsjednika LKS-a, Upravni odbor, Nadzorni odbor, Arbitražni sud i Sekretara.**
- vrši opoziv izabranih u organe koje je birala
- bira predstavnike LKS-a u organe krovne kinološke organizacije na nivou BiH
- bira Kandidacionu komisiju
- odlučuje o predstavkama upućenim Skupštini i o žalbama protiv akata Upravnog odbora u drugostepenom postupku

- obavlja i druge poslove uređene Zakonom, Statutom i drugim aktima LKS-a
- donosi odluku o prestanku rada LKS-a

Član 20.

Sjednice redovne-izvještajne Skupštine saziva Predsjednik Skupštine pisanim putem ili dopredsjednik u slučaju spriječenosti predsjednika.

Vanredna sjednica Skupštine mora se održati u roku 30 (trideset) dana od dana postavljanja zahtjeva o sazivanju(čl.20. stav 2 ovog Statuta)

Prijedlog dnevnog reda vanredne Skupštine podnosi inicijator sazivanja vanredne skupštine.

Ukoliko Skupštini ne prisustvuje nadpolovična većina od ukupnog broja delegata, Skupština će se ponovno zakazati nakon 30 (trideset) dana.

Ako se ni u drugom sazivu ne postigne nadpolovična većina ukupnog broja delegata Skupština će valjano odlučivati ako je u drugom sazivu prisutno 30 %(trideset)od ukupnog broja delegata Skupštine. Odluke u ovom slučaju donose se (2/3) dvotrećinskom većinom prisutnih glasova.

Materijali za Skupštinu dostavljaju se najkasnije 15 dana prije njenog održavanja.

O radu Skupštine vodi se zapisnik

PREDSJEDNIK LKS-a

Član 21.

Predsjednika LKS-a bira Skupština na period od četiri (4) godine sa mogućnošću biranja više puta uzastopno.

Član 22.

- **Predsjednik** LKS-a predstavlja i zastupa LKS bez ograničenja u okviru propisanih ovlaštenja;
- Inicira pripreme sjednice Skupštine;
- Provodi politiku LKS-a, zaključke i druge odluke koje je donijela Skupština i Upravni odbor;
- Podnosi Skupštini godišnje izvještaje o svom radu i radu organa na čijem je čelu;
- Zastupa i predstavlja Savez prema donatorima, partnerima, vladinim institucijama, javnosti;
- Za svoj rad odgovoran je Skupštini LKS-a.

Član 23.

Predsjednik Saveza može uz saglasnost Skupštine drugom licu iz Upravnog odbora dati pisanu punomoć za zastupanje Saveza u kojoj određuje djelokrug punomoći.

UPRAVNI ODBOR

Član 24.

Upravni odbor Saveza je izvršno tijelo Skupštine između dva zasjedanja i rukovodi radom Saveza na čelu sa predsjednikom U.O.

U funkciji rukovođenja radom Upravni odbor LKS-a sprovodi odluke i zaključke, utvrđuje cijenovnik za usluge kinoloških sudija, utvrđuje naknade za komisije te obavlja i druge poslove Zakonom, Statutom i drugim aktima Saveza.

Upravni odbor se sastoji od predsjednika Upravnog odbora, predsjednika SLOuBiH, Sekretara LKSuFBiH-a i dva člana koje bira Skupština na prijedlog Predsjednika Saveza, vodeći računa o kantonalnoj zastupljenosti i brojnosti kantonalnih asocijacija(saveza)

Mandat članova Upravnog odbora traje četiri godine ili do izborne skupštine s mogućnošću ponovnog izbora.

Član 25.

Zadaci Upravnog odbora:

- da provodi odluke, zaključke i preporuke Skupštine
- da provodi i brine o provođenju akata Saveza, Kinološkog saveza BiH i FCI-a
- donosi Poslovnik o radu Upravnog odbora
- donosi Pravilnik o radu stručnih organa Saveza
- donosi Pravilnik o uzgoju čistokrvnih lovnih pasa(kerova(s prilozima)
- donosi Pravilnike iz oblasti lovne kinologije
- donosi Pravilnik o radu (lovnih) kinoloških sudija
- donosi Pravilnik o radu uzgajivača

- donosi Pravilnike o radu odbora i komisija
- donosi Pravilnik o dodjeli priznanja i odlikovanja za uspjehe u lovnoj kinologiji
- utvrđuje prijedloge Statuta, izmjene i dopune istog, i drugih opštih akata i Pravilnika
- utvrđuje prijedlog plana i programa rada Saveza
- izvršava programe utvrđene Skupštinom Saveza
- određuje visinu članarine i doprinosa članica i predlaže godišnji finansijski plan
- predlaže Skupštini godišnje, srednjoročne i dugoročne planove razvoja i rada LKS-a
- provodi finansijski plan, raspravlja o finansijskom rezultatu LKS-a i predlaže ga Skupštini na usvajanje
- raspravlja o izvještajima pojedinih članova, komisija i drugih tijela iz svoje nadležnosti
- prati i usmjerava rad drugih organa i daje prijedloge za unapređenje njihovog rada
- predlaže Skupštini izbor i opoziv delegata u organe krovnog Kinološkog saveza u BiH
- donosi Pravilnik o disciplinskoj odgovornosti članova
- odlučuje o zahtjevima za prijem u članstvo LKS-a
- organizuje, pruža pomoć i odlučuje o lovnokinološkim manifestacijama
- dodjeljuje priznanja i odlikovanja za postignute rezultate u radu na polju lovne kinologije
- daje inicijative i usklađuje rad pri stručnom osposobljavanju uzgajivača, članova i članica
- imenuje stručne komisije i odbore
- koordinira rad svih stručnih komisija i odbora koje imenuje
- vodi brigu o vođenju opšte lovnokinološke evidencije
- određuje koji se dokumenti i podaci smatraju poslovnom tajnom
- odlučuje o izdavačkoj djelatnosti i koncepciji lista
- donosi i sve druge pravilnike i akte koji nisu u domenu Skupštine
- odlučuje vrstu poslova i zadataka koji će se prenositi na formirane komisije i odbore

NADZORNI ODBOR

Član 26.

Nadzorni odbor je organ Skupštine LKS-a koji kontrolira zakonitost rada i finansijskog poslovanja

Član 27.

Nadzorni odbor ima tri (3) člana. Članove bira Skupština na period od četiri (4) godine sa mogućnošću ponovnog izbora, iz reda delegata Skupštine.

Nadzorni odbor ima **predsjednika** kog biraju članovi Nadzornog odbora između sebe na konstituirajućoj sjednici.

Predsjednik saziva sjednice istim rukovodi. Odluke se donose nadpolovičnom većinom.

Član 28.

Nadzorni odbor razmatra i kontrolira:

- zakonitost rada Upravnog odbora i njegovih komisija i odbora
- zakonitost rada predsjednika LKS-a
- primjenu zakona, Statuta i drugih akata
- izvršenje odluka i ostalih obaveza Skupštine od strane organa i članova LKS-a
- materijalno finansijsko poslovanje
- i druge oblasti koje smatra bitnim u određenom trenutku.

Član 29.

Pravo i obaveza Nadzornog odbora je da o uočenim pojavama i svojim stavovima izvještava Skupštinu LKS-a sa prijedlogom poduzimanja odgovarajućih mjera

Sarađuje sa finansijskim inspekcijama i drugim organima i tijelima, pravi svoje analize i daje mišljenja i prijedloge poduzimanja konkretnih mjera na otklanjanju propusta

Nadzorni odbor ima pravo sazvati vanrednu sjednicu skupštine u slučaju kad utvrdi da se sredstva i druga imovine LKS-a ne koristi u skladu Statuta i planova rada LKS-a, grubo kršenje Statuta LKS-a o čemu je upozorio Upravni odbor koji nije poduzeo mjere za otklanjanje tih nepravilnosti

Član 30.

Nadzorni odbor ima pravo zatražiti na uvid svu dokumentaciju i druge podatke radi utvrđivanja pravog činjeničnog stanja

Član 31.

O sjednicama Nadzornog odbora vodi se zapisnik.

Svaki član odbora ima pravo zahtijevati da se u zapisnik unese njegovo izdvojeno mišljenje

Zapisnik sa sjednice potpisuje Predsjednik i oba člana Nadzornog odbora.

ARBITRAŽNI SUD

Član 32.

Arbitražni sud Saveza na zahtjev članica Saveza rješava njihove međusobne sporove saglasno važećim zakonskim propisima i u skladu s lovnom politikom Saveza.
Arbitražni sud ima tri (3) člana, a bira ih Skupština Saveza iz reda zastupnika Skupštine Saveza, s mandatom od četiri (4) godine.

Član 33.

Odluke Arbitražnog suda za članove Saveza su obavezne.
Sva bitna pitanja za rad i postupanje te donošenje odluka Arbitražnog suda regulirat će se posebnim pravilnikom koji će donijeti Predsjedništvo Saveza.

Član 34.

Žalbu na odluku Arbitražnog suda članica Saveza može uputiti Upravnom odboru Saveza kao prvostepenom organu i Skupštini Saveza, čija je odluka izvršna.

SLUŽBA ZA STRUČNE I ADMINISTRATIVNE POSLOVE

Član.35

Lovni kinološki savez uFBiH ukoliko se ukaže potreba u stalni radni odnos može primiti lice za obavljanje poslova.

Član 36.

Stručne,administrativne i druge poslove za potrebe LKS-a(radnih tijela Saveza) obavljaju stručna lica,određenih kvalifikacija raspoređeni na radna mjesta u skladu Pravilnika o organizaciji sistematizaciji radnih mjesta Službe za stručne i administrativne poslove LKS-a.

Član 37.

Uposlenici imaju prava i obaveze u skladu Zakona i opštih akata Saveza.
Na radno osoblje (uposlenike) ne mogu se prenositi prava,ovlaštenja odgovornost i poslovi kojima odlučuju organi i tijela Saveza osim sekretara LKS-a.

Član.38

Skupština formira zbor kinoloških sudija kao i komisiju za polaganje ispita za kinološkog sudiju čiji se rad reguliše pravilnikom o radu.

Član 39.

Skupština osigurava sredstva za rad stručne i administrativne službe.
Predsjednik Saveza rukovodi radom zaposlenih i daje pojedinačna zaduženja za rješavanje poslova i zadataka,određuje platu,potpisuje odluke kojima se regulišu međusobna prava i obaveze između Saveza i uposlenika.
Predsjednik saveza određuje ovlasti prenosa na sekretara u skladu Pravilnika o unutrašnjoj organizaciji i sistematizaciji radnih mjesta.

Član 40.

Predsjednik Saveza i Upravnog odbora ima pravo pokretanja postupka za utvrđivanje odgovornosti uposlenika Saveza (stručne službe) ako ne obavlja poslove i radne zadatke zbog kojih su zasnovali radni odnos,odnosno poslove koji su im dati na izvršenje .

SEKRETAR:

Član 41.

Sekretar je lice koje prema Pravilniku o organizaciji i sistematizaciji obavlja poslove:

- priprema materijale za Skupštinu Saveza;
- priprema materijale za sjednice Upravnog odbora i Skupštine;
- prisustvuje sjednicama Skupštine i Upravnog odbora i vodi zapisnik;

- vodi zapisnik na Skupštini Saveza;
- vodi evedinencije prisutnosti sjednicama Skupštine i Upravnog odbora;
- brine da materijali sa sjednica budu na vrijeme dostavljeni članicama i delegatima;
- prati provođenje zaključaka Skupštine i Upravnog odbora, komisija i odbora;
- vodi korespondenciju u okviru svojih poslova i radnih zadataka;
- obavlja i druge poslove po nalogu predsjednika Saveza i Upravnog odbora;
- obavlja poslove iz domena vođe Rodovne knjige na osnovu Pravilnika o radu vođe Rodovne knjige i Pravilnika o uzgoju čistokrvnih lovnih pasa (kerova).

Član 42.

Ukoliko Sekretar nema položen ispit za kinološkog sudiju rodovnu knjigu ovjerava ovlašteni kinološki sudija.

DJELATNOST UPRAVNOG ODBORA UZ RAD KOMISIJA I ODBORA

Član 43.

Radi kvaliteta izvršenja stručnih određenih aktivnost i poslova, donošenja kvalitetnih zaključaka i odluka te davanja stručnih mišljenja Upravni odbor u sklopu svoje nadležnosti može formirati komisije, odbore i stručna lica;

- komisiju za kadrove i priredbe lovnne kinologije
- komisija za oblik i uzgoj autohtoni lovnih pasa (kerova)
- komisiju za odlikovanja i priznanja
- komisija kinoloških sudaca
- druge komisije i odbori po potrebi

Član 44.

Unutar komisija i odbora mogu se interno organizovat prema užoj specijalnost djelovanja.

Način rada djelovanja organizacionih oblika (komisija i odbora) utvrđuju se opštim aktom (Pravilnikom) za svaku oblast kojeg predlaže Upravni odbor Skupštini LKSuFBiH na usvajanje.

VI IZBOR, OPOZIV I ODGOVORNOST ORGANA SAVEZA

Član 45.

Delegati u Skupštini Saveza za svoj rad i djelovanje odgovorni su Skupštini i članicama koje su ih delegirale u Skupštinu i mogu biti opozvani i prije isteka mandata.

Član 46.

Predsjednik Saveza, Upravnog odbora, Nadzornog odbora za svoj rad odgovorni su Skupštini koja ih je i birala. Članovi komisija i odbora odgovorni su predsjedniku Saveza i Upravnom odboru koji si ih imenovali

Član 47.

Delegat Skupštine može biti opozvan i prije isteka mandata od strane članice koja ga je kandidovala u Skupštinu. U slučaju ne obavljanja svoje delegatske dužnosti u skladu interesa Saveza ili članice ili ih uopšte ne obavlja delegat može biti opozvan. Isti je slučaj i sa opunomoćenim zastupnikom Saveza u krovnom kinološkom savezu BiH. Opoziv delegata u Skupštini Saveza obavlja se po postupku i na način kako je i izabran.

Član 48.

U slučaju da Upravni odbor, Nadzorni odbor u cjelini ili pojedinačno članovi ne obavlja(ju) svoje dužnosti utvrđene Statutom i drugim aktom Saveza ili ih obavlja(ju) suprotno utvrđenom programu, može ili mogu biti opzvan(i) od strane Skupštine.

VII PRIZNANJA I ODLIKOVANJA

Član 49.

Savez-Upravni odbor- ustanovljava priznanja i odlikovanja koja se dodjeljuju za zasluge na području lovnne kinologije. Način ustanovljavanja i predlaganja, te dodjele priznanja i odlikovanja regulisat Pravilnikom o priznanjima i odlikovanjima LKS-a

VIII IMOVINA SAVEZA I I MATERIJALNO-FINANSIJSKO POSLOVANJE

Član 50.

Savez svojom cjelokupnom imovinom garantuje za svoje obaveze.

Imovinu Saveza predstavljaju pokretne i nepokretne stvari, materijalna prava i novčana sredstva kojima raspolaže, a služe ostvarivanju registrovanih ciljeva LKS-a.

Imovinom Saveza raspolaže Skupština, odnosno Upravni odbor u skladu odredbi Statuta, Zakona i dobivenih ovlaštenja. Eventualna dobit, ušteda novčanih sredstava usmjerava se na ostvarivanje ciljeva LKS-a u daljnjem radu.

Član 51.

Izvori novčanih sredstava LKS-a:

- članarina i doprinosi članica i članova,
- ostali prihodi u skladu sa Zakonom (budžeti općina, kantona, federacije, donacije, humanitarni prihodi itd.)
- prihodi od izložbi i takmičenja, te naknade usluga čiju visinu određuje Upravni odbor

Član 52.

Savez stiče sredstva od članarine, priloga, poklona, donacija, u skladu sa zakonom, kao i prihode stečene kroz ostvarivanje ciljeva i aktivnosti Saveza u skladu sa Statutom.

Savez posluje na principu neprofitne organizacije, a eventualnu dobit ostvarenu u vršenju svojih djelatnosti usmjerava isključivo za proširenje svoje djelatnosti, a radi ostvarivanja programskih ciljeva.

Savez je dužan voditi poslovne knjige i sastavljati finansijske izvještaje prema pozitivnim propisima Bosne i Hercegovine.

Finansijski Izvještaj podnosi Predsjednik Saveza Upravnom odboru a zatim Skupštini i konačnu Odluku o usvajanju izvještaja donosi Skupština.

O raspolaganju osnovnim sredstvima, pokriću gubitaka i otpisu nenaplativih potraživanja odlučuje Skupština.

IX JAVNOST RADA SAVEZA

Član 53.

Rad LKS-a je javan, a javnost rada osigurava predsjednik Saveza odnosno Upravnog odbora ito:

- objavljivanjem izvještaja o radu Saveza i njegovih organa na najprihvatljiviji način
- sjednicama Upravnog odbora može prisustvovati član svake članice Saveza, koji sadržaj svoje diskusije dostavi pismenim putem u roku, te će biti pozvan ovisno o temi i vremenu ili će mu se pismeno odgovoriti
- iznošenje podataka o radu Saveza u stručnom i informativnom časopisu Saveza i u drugim sredstvima informisanja
- upoznavanje javnosti s poslovima kojima se bavi Savez
- objavljivanje podataka o materijalno-finansijskom poslovanju Saveza
- izjave kojima se tumače službeni stavovi ili zaključci o radu Saveza daje predsjednik Saveza u njegovoj odsutnosti Upravnog odbora kog predsjednik ovlasti

Član 54.

Organi Saveza dužni su odovarati na pitanja koja se odnose na rad Saveza, a koja su upućena od nadležnih organa vlasti ili drugi organi. Organi Saveza dužni su uzeti u razmatranje primjedbe i mišljenja koja im upućuju građani i građanske organizacije, a koje se odnose na rad i planove razvoja Saveza. Takođe su dužni da sa svojim stavovima upoznaju građane, organizacije koje su podnijele prijedloge ili mišljenja.

X OPIS, OBLIK I SADRŽAJ PEČATA I AMBLEMA SAVEZA

Član 55.

Lovni kinološki savez ima svoj amblem.

Amblem LKS je bosanski oštrolaki gonić-Barak ograđen vijencom na čijem dnu je upisan skraćen naziv Saveza-LKSuFBiH.

Član 56.

Pečat Saveza je okruglog oblika, prečnika 30 mm sa natpisom „Lovni kinološki savez u FBiH“ u u sredini pečata je naznačeno sjedište Saveza.

XI SARADNJA SA DRUGIM ORGANIZACIJAMA I INSTITUCIJAMA

Član 57.

Savez se može udruživati u sve krovne kinološke organizacije na nivo države BiH, i institucijama međunarodnik kinoloških asocijacija FCI i druge.

Član 58.

U ostvarenju svojih ciljeva i zadataka Savez saraduje i sa drugim organizacijama i zajednicama, državnim organima uprave, institucijama, zavodima i drugim stručnim organizacijama i institucijama na svim nivoima

XII OPŠTI AKTI, NJIHOVE DOPUNE I IZMJENE

Član 59.

- Inicijativu za promjenu, dopunu ili izmjenu Statuta može pokrenuti svaka članica Saveza, Predsjednik Saveza, Upravni odbor, Nadzorni odbor, podnošenjem zahtjeva Upravnom odboru
- Izmjene ili dopune Pravilnika može pokrenuti Upravni odbor - (1/3) jedna trećina članova
- Dužnost Upravnog odbora je da podnese zahtjeve promjena, izmjena ili dopuna Statuta uz svoje mišljenje pripremi i iznese pred delegate na redovnoj ili vanrednoj sjednici Skupštine

XIII PRESTANAK RADA SAVEZA

Član 60.

- Savez može prestati sa radom dobrovoljno ili po sili zakona
- Dobrovoljno Savez prestaje raditi ako to odluči Skupština saveza, odnosno ako se Skupština ne može sazvati, ako to odluči Upravni odbor. Za donošenje takve odluke potrebna je dvotrećinska volja članica
- Po sili zakona Savez može prestati djelovati Odlukom nadležnog državnog organa
- Prijedlog za prestanak rada Saveza podnose organi saveza ili najmanje dvije trećine (2/3) članica Saveza
- U slučaju prestanka rada Saveza predsjednik Saveza i Upravnog odbora dužan je podnijeti prijavu nadležnom organu kod kog je Savez registrovan radi brisanja iz registra.

Član 61.

Savez je dužan obavezno prijaviti svaku statusnu promjenu kod nadležnog ministarstva u zakonskom roku.

Član 62.

Pitanja koja nisu regulisana Statutom, primjenjivat će se odredbe Zakona o udruženjima i fondacijama te drugi propisi koji se odnose na djelovanje Saveza.

Član 63.

U slučaju prestanka rada Saveza, imovina koja ostaje poslije podmirenja svih obaveza Saveza prema povjericima, prelazi u vlasništvo organizacije koja preuzima funkciju Saveza a ukoliko nema takve organizacije ostatak imovine prelazi u vlasništvo članica srazmjerno uložnim sredstvima.

XIV ZAVRŠNE ODREDBE

Član 64.

Ovaj Statut stupa na snagu danom donošenja i usvajanja na Skupštini, čime prestaje pravno dejstvo Statuta broj:01/12 od 10.06.2012.

Broj:02-008/13

Sarajevo, 13.06.2013.god.

PREDSJEDNIK SKUPŠTINE
LOVNOG KINOLOŠKOG SAVEZA
U FEDERACIJI BOSNE I HERCEGOVINE

Ljuca Jasmin



OVJERAVA FEDERALNO MINISTARSTVO PRAVDE

Broj: 03-05-2-1028/12

Sarajevo, 21.10.2013. godine



MINISTAR
[Handwritten signature]
Zoran Mikulić

